

ZAKON

O IZMJENAMA ZAKONA O PRIVREDNIM DRUŠTVIMA

Član 1.

U Zakonu o privrednim društvima ("Službene novine Federacije BiH", br. 23/99, 45/00, 2/02, 6/02 i 29/03) u članu 17. stav 1. mijenja se i glasi:

"Firma može sadržavati riječi "Bosna i Hercegovina" i njene izvedenice i kratice na osnovu odobrenja nadležnog organa određenog posebnim zakonom. Firma može sadržavati riječ "Federacija" i njene izvedenice i kratice samo na osnovu odobrenja federalnog ministra nadležnog za poslove uprave i pravosuđa, a naziv kantona, grada i općine i njihove izvedenice i kratice samo na osnovu odobrenja kantonalnog ministarstva nadležnog za poslove uprave i pravosuđa, gradonačelnika ili općinskog načelnika na području na kojem društvo ima sjedište."

Član 2.

Član 382. mijenja se i glasi:

"Sva privredna društva, uključujući i ona sa učešćem državnog kapitala u vlasničkoj strukturi, dužna su oblik, firmu, osnovni kapital i statut uskladiti sa ovim Zakonom i podnijeti prijavu za upis u registar društva, najkasnije do 31. decembra 2005. godine."

Član 3.

U Zakonu o izmjenama i dopunama Zakona o privrednim društvima ("Službene novine Federacije BiH", broj 29/03) član 76. briše se.

Član 4.

Ovaj Zakon stupa na snagu narednog dana od dana objavljivanja u "Službenim novinama Federacije BiH".

Predsjedavajući
Doma naroda
Parlamenta Federacije BiH
Slavko Matić, s. r.

Predsjedavajući
Predstavničkog doma
Parlamenta Federacije BiH
Muhamed Ibrahimović, s. r.

